

Дуныз 5 копейка | Редакциялэн адресез: Шаркан село, Советской ульча, 57, РДК-лэн 2-ти этажез. | 10-ти арз, лста

Пудо сион тыр- мымон дасялом

Страналы трос йол, сйл, ыжгон, куреглуз но мукет продуктасты сётыса, активчо юрттом Красной Армии фашистской полчищаосты пазь гыны. Пудоез продуктивной карыны понна но солэсь тырмыт продуктазэ басьтыны понна сюлмаськыса, шонер утылоно.

Туэ гужем котыкыче условис вал пудо сионез тырмымон дасяны. Уноез колхоз'эс пёртэм пудо сион'эсты тырмымон дасязы. Трос жуг-жаг турын'эсты силосовать карызы, али силослы кизем турын'эсты но картошка куар'эсты силосовать каро. Собинской сельсоветысь „Красный Партизан“, Сосновской сельсоветысь Кагановичлэн нимыныз нима колхоз но озы ик уноез мукет'эсыз.

Военной дырлэн условиосаз пудо сион тырмымон дасян туж бадзым значение бастэ, соин ик уката но трос пудо сион дасяны кулэ на. Соны асьмелэн луонлык'эсмы вань.

Куд-ог колхоз'эслэн кивалтисьёсы тырмыт оз валалэ на кормовой база кылдытонлэсь кулэлыкэс. Вань сыче колхоз'эс но, куд'эсыз туж ожит гинэ силосовать карызы. Шарканской сельсоветысь колхоз'эс жуг-жаг турынез силосовать оз каре, али картошка копаны кутскыло ини, озы ик картошка куарез силосовать уг каро. Сыче безхозяйственность военной дыре чидантэм луэ. Пудо сионлэсь каждой килограммзэ жыкытано. Одыг килограммез но куро, макня но мукетыз сисымыса медаз быры. Дырыз окто-нез организовать кароно.

Сентябрь толэзь пудо сион дасяны решающей толэзен луэ. Районысь колхоз'эслэн пудо сион резерв'эсы туж бадзымез. Та борды мылыськыдысь гинэ кутсконо.

Картошка куар, бакча сион'эслэн куар'эсы силосовать каремын луыны кулэ. Ваньмыз одыг пол турнам клевер турыны кыктэтйэ турнаны кулэ, нош куазь зоремен уг ке луы октыны, сое силослы кароно. Куро, макня, комбайнэн арам бервылысь шеп соку ик октэмын но люкамын луыны кулэ. Пудо сион'эсты дасянен шош ик сое уже кутонлы но возманлы умой контроль пуктоно.

Советской информбюролэсь

18 сентябре жыт ивортэмысьтыз

Киев дорын ожесточенной бойес
Берло нунал'эсы Киев дорын мыно ожесточенной бэй-ёс. Фашистско-немецкой войскас, туж трос вооружениоссы но калыксы быремен ляд'яскытэк, бое лэзё ялан вылесь но вылесь частьёссэс. Киевской обороналэн одызгач участоктыз противниклы луиз прорвать карыны асьмелэсь укреплением но потыны горозлэн окраинаяз. Ожесточенной жугиськон'эс мыно.

Гитлеровец'эслэн жульничествозы
16-ти сентябре Советской Информбюро немецко-фашистской десантэз разгромить карем сярэсь вераз, кудыз Эзель островез басьтыны турттэ вал но со операциосын трос немецкой судноосты выйтэм сярэсь. 17-ти сентябре гитлеровец'эс советской информбюролэсь сообщенизэ тумошо потугаосын опровергнуть карыны туртскизы вераса, что „Германской армия со островез басьтыны ноку но оз туртскы, так как германской командованилэн нокуче необходимостез солы ой вал.“

Та сярэсь озы верано луоз, что гитлеровец'эс туссэс пукто, будто соос оз тодылэ туэ арын 13 но 15 сентябре асьсэлэсь 4 транспортсылэсь, 80 катерзылэсь но шлюпкаоссылэсь вооружениен но войскоосын, 1 эсминецсылэсь

ышемзэс, куд'эсыз советской морской вооруженилэн кужым'эсыныз' потопить каремын но трос эсминец'эссэс но транспорт'эссэс повредить каремын. Гитлеровец'эс озы ик шёддымтэ улэ карыско, Эзель островез басьтыны вырыкузы, советской войскоосын 15 сюрс десантской войскозэс быдтэмзэс.

Валамон, что асьмелэсь сообщением фашист'эслэн „опровержениз“ жульнической попыткаен луэ, немец калык-лэсь но мировой общественной мненилэсь ватыны, Эзель островез десант'эсты пуктыны турттыкуз, фашистлэн трос ыштэмзы сярэсь.

Фронтлэн Юго-западной направленияз лейтенант Гладенколен звеноез немецкой мотомехчастыёсты атаковать кариз. Вражеской зенитной артиллерия звенолэн командирезлэсь самолетсэ кемжытыз. Бадзым напряжениен отважной советской летчик аслэстыз жуась машиназэ шонер-тиз но направить кариз сзе выжон доры, кудыз лэсьтэмын вал немец'эсын Сейм шур вамен. Жуась машиналэн взрывез выжонез пазяз. Со выжон вылысь танк'эс но автомашинаос пехотаен валче шуре куашказы. Аслаз героической подвиженыз Гладенко эш противниклэн войскоосылэсь аьпала мынонзэс дугдытыз.

ГРАНИЦА СЪОРЫСЬ ИВОР'ЕС

Иранской шахлэн престолысьтыз кошкемез
Лондон, 16 сентябре. Рейтер агентство ивортэ, что тегеранской радиолэн верамез'я иранской шах престолысьтыз кошкем но шахлы преемнике кельтэмын солэн пиез.

Шахлэн престолысь кошкемез сярэсь ялэмын вал турне чукиа Иранской мелжлислэн чрезвычайной заседанияз.
(ТАСС).

Иранлэн выль шахез присяга принять кариз
Тегеран, 18-ти сентябре
(ТАСС)

Толон жытазе мелжлислэн залаз Мохаммед Реза Пехлевилэн, Иранысь выль шахлэн, присяга бастон церемониез ортчиз.

Политической заключеннойесты Иранын освободить наро
Нью-Йорк, 18-ти сентябре
(ТАСС)

Ассошиэйтед пресслэн агентствоезлэн корреспондентэзлэн верамез'я, Иранысь выль шах тросэ видной политической заключеннойесты освободить кариз, соос пöлын ик бывший военной министр генерал Нехиджегани, кудыз талэсь азыло шахен турмае пуктэмын вал.

Английской войскоослэн Тегеранэ пыремзы
Лондон, 18-ти сентябре
(ТАСС)

Английской радио вера, что Английской войскоос Тегеранэ пыризы.

Социалистической собственностьлы— большевистской саклык

Отечественной война мыныку, фронтлэсь мышсэ юнматывын туж бадзым кулэлыкэз социалистической но кооперативно-колхозной собственности но калык ваньбурез возьманлэн. Юнматэм тыл—фронтлэн оскон пыкетэз.

3-ти июле 1941 арын радио пыр Сталин эш исторической речаз призвать кариз вань калыкэз Красной Армиелэсь фронт мышсэ юнматыны, вань ужев военной тусэн быдэ'ян, тушмонэз вормон понна.

Фронтлэн мышказ асьмелэн бадзым кужыммы лэб уз луы шуыса, тушмон тодэ, соин ик со котыкызы ке но турттэ куашкатыны. Германской фашизм аслэстыз милиционерской дйсен, советской пограничниклэн дйсеныз, железнодорожник'эслэн дйсеныз дйсьськем парашютист'эссэ асьме муз'ем вылэ лэзья шпионской но диверсионной ужзэс быдэ'яны.

Со понна ик котыкуд гражданин туж сак, сэзь луыны кулэ, котыкытын со мед луоз.

Асьме райономы уноез колхоз'эс общественнои ваньбурез бадзым саклыкэн возьманло. „Курегурт“, „Путь Ильича“ но мукет'эсаз колхоз'эсын котыкудэз важной участок'эсын социалистической собственностиез возман умой организовать каремын.

Верано луэ, али но вань на колхоз'эслэн, предприятиослэн но учреждениослэн кивалтисьёсы, куд'эсыз аналкыса уло. „Бутолио“, „Дружба“ но мукет колхоз'эсын уин азе нокуче охраназы но уг луылы, ваь ке не, соос юло. Конной двор'эс, МТФ-ос, кутсасыкэн итьм'эс, ю склад'эс но мукет общественной важной ивтыосын нокуче возмаськысь-эскерись пуктэмын овол. Сыче ик ужлум трос организациосын но учреждениосын.

Противопожарной ужлум'эс аналтэмын. Возмаськыны сосыр адымосты понэмын, вал'эс ужавы ярамтэосыз отын, сиес тирлыксы, пожаркысен тирлыксы овол. Таче урод ужалы азыпала чиданы уг луы. Котыкуд учреждениосысь, организациосысь но колхоз'эсысь кивалтисьёсы конкретней ответственность вуо но соос асьсэ участказы действительней, большевистской схрафа организовать карыны кулэ.
Д. Князев.

Азьмынись колхоз'ес

Титовской сельсоветысь «Путь Ильича», «Красная Заря» но «Сильво» колхоз'ес бере кылись колхоз'ёсы араны потйзы. «Путь Ильича» — Буденныйлэн нимыныз нима м колхозлы 50 га аралоз, «Красная Заря» — «Бакино» колхозлы, «Сильво» — «Козино» колхозлы.

Кутсаськон умой организовать каремын

Районысьтым колхоз'ес государстволы жеч качествен ю тысь сётыны котыкызы но тыршо. Сосновской МТС-ысь машинист'ес октэм юз кёсын кутсаса быдэстыны вань амал'ёсын ужало. Кутсаськон кутскем дырысен 15-тй сентябрёзь Лопатин Ефим 140 тонна кутсаз ини 120 тонна тупатэм норма интые, В. Силин — 139 тонна, Батаногов Иван — 125 тонна. Мукет'ёсыз но ужасьё озы ик тыршо.

Федотов.

Ужаны пример возмат

Ляльшурской школаысь дышетскись пинал'ес тросаз бусы уж'ёсы организовано ветло, Чукна вазь мыно, нош жыт бер берто. Уката ик умой ужало «Ляльшур» колхозысь дышетскисьёс Анна Димитриева, Александра Анисимова но мукет'ёсыз. Етйн тышка нэз но етйн вёлдонэз дышетскись пинал'ес йылпум'язы. Али пинал'ес мукет ужын ужало, озы ик соос лудэ вазь мыно но нормаоссэс тырмытытэк уг берто.

А. И. Залогов.

А. Е. Юртаев.

Москва городысь Ленинской районысьтыз народной ополченлэн подразделениезлэн лагерьын боевой учебаез.



Ополченец'ес боевой, оружие басьтызы.

ТАСС-лэн фотохроникаез

Ми адысь москимы

Ельнян улисьеслэн верамзы

Берпум минутозь постын 30 ар сылйз ректификатор — сложной аппарат дорын рабочий Иосиф Иванович Акатенков. Со, заводлэн пересь ужасез, секыт минутэ аслэсьтыз постсэ өз кушты. Сое немец'ес басьтызы со аппарат бордысь ик.

— Стахановец? — юаз офицер.

— Бен, — чурит вераз Иосиф Иванович.

— Ма кариськод?

— Аппарат возмасько.

Со вал солэн берпум кыл'ёсыз.

Немец'ес заводэз куашкатызы. Иосиф Ивановичез штабе нуизы. Отын со сьёсьсын курадзытэмын вал.

Кыче зол возиськызы Ельня городысь рабочиёс! Берпум

минутозь соос заводэз возмазы. Фашистской пуныос, горолэн рабочий центраз — Заречье вылэ, разбойлэсь вань кышкытлыкэ куашкатызы. Виолон'ес, грабеж'ес, кышно мурт'ёсты эриктэман'ес Заречьялэсь улонзэ шимеслы но кёшкемытлы берыктызы. Но Советской страналэн рабочий классэзлэн волязы но кужымзы быдтонтэм. Рабочийёс тыбырзэс өз куасалтэ фашистской ордаос азын. Али соос, горолдлэсь трудовой улонзэ восстанавлять карисьёслэн нырысь рад'ёсаз лус. Соос тодо: ваньмыз понна берыктэмын луоз!

Ельнинской райисполкомлэн председателез
А. АНИСЬКОВ

Отечественной войналэн фронт'ёсысьтыз

Аркадий Костылев комсомолецлэн бад'ым шумпотонэз. Али боевой обстановка дыр'я, сое ВКП(б)-лэн член'ёсызлэн кандидатазы кутйзы. Кёня ке минут улыса, рота наступать карны мыноз, но Костылев возматоз, что партия өз пöяськы сое кутыса.

Жугиськон кутскиз. Пичи И. гуртысь фашист'ёсты уल्याо вал.

Автоматэн но минометэн ротаез ыбыльса, враг оборонае выжиз.

Уката зол ыбылыны враг кутскиз, вош боец'ес тыл пыр азыпала мыно. Командир раныться кариськыз но, старшой сержант Аркадий Костылев полкез наступление нуиз.

Кемалась ик өвёл со цементной заводын рядовой рабочий-механик вал, буш дыр'ёсаз военной ужлы дышеткылиз. Али со Аркадий Костылевлы яраз.

Тушмонлэн 3 пол ятыр вал кужымез. Нош Костылев боец'ёсты наступление нуиз. Немец'ес вожомыса ыбыло, соослы кышкыт минута рукопашной схватка жог вуэмлэсь: солэсь фашист'ес котымалэсь ятыр кышкало.

Кык пол Костылев ротазэ жут'яз. Жуткемзылы быдэ немец'еслэн оборона гожзы матэ луэ. Куке соку, рота жег бусы борды люкаськыз. Атака лэстын план жог быдэсмиз: жег пöлтй азыпала мыноно, тушмонлы матэ кариськоно но шытыкен жугиськыны кутсконо.

Костылев боец'ёссэ синмыныз котыртйз. Рота ласяськыз но егит командирлэсь сигналзэ вите но, со дыре немецкой офицер'ес асысэ солдат'ёссэс азыпала улязы. Кесяськыса, кытчы ке шелем ыбыльса, немец'ес рота вылэ лыкто. Малпаськыны дыр ой вал ни. Костылев кеськыз: «Азылань, родина понна! Атакае,

сьорам!» Рота жутскиз, нош со дырын фашистской пуля Костылевлэн пельпум пыртйз потйз. Со ад'из гинэ на, кызы боец'ес, төлпери кадь, борд'из ортчызы, азыпалысьтыз «Ура», шуыса гур кеськемзэс кылйз на.

Костылев паллян кияз пистолетсэ жог воштйз. Кытысь ке урдэскысьтыз немецкой солдат тэтчиз, Костылев шоры урдскиз, винтовкаеныз шонскиз но — тыбыр вылаз усиз красноармеецлэн шуак шуккеменыз. Нош ик ме'чак со шоры, урдем кадь кесяськыса, немецкой солдат бызе. Костылев фашистлэн мöля шораз пистолетсэ мертаз. Соиз сьöлтаськыз, винтовказэ уськытиз но, ачиз муз'ем вылэ усиз.

Вань кужымзэ октыса, Костылев жутскиз. Со адзе: немец'ес, номырзэс валатэк, деревняысь пег'зо, солэн славной ротасысьтыз пулеметчик'ес эриктэм турнало тушмонэз.

Костылевлэн кутскем атакаез вормонэн быдэсмиз. Тушмон пазьгемын, деревняысь улямын.
В. Иванов

Действующой армиясь привет

Шаркан районысь вань колхозник'ёслы, колхозницаослы но комсомолец'ёслы боевой привет!

Эш'ес, куйньметйез төлэзь великой отечественной война мынэ ин. Асьме родина вылэ гитлеровской Германия дучес сямен, лэзькиз.

Гитлер, машинаосысьтыз васькатэк, войскоеныз, чилектэм кадь ортчыса, Киевез, Москваез но Ленинградэз басьтыны малпаз вал.

Шöй сийсь кучыранлэн планэз куашказ.

Асьмелэн кужмо Красной Армияы нуналлы быдэ фашистской полк'ёсты, дивизиосты громить каре. Гитлеровской бандаос асыслэсь могилозэс советской муз'ем вылысь шедьто.

Славянской калыкез Гитлер асыз поработить карыны турттэ.

Тушмонлы со уз кылды Асьмелэн храброй партизан'ёсмы соосты фронтлэн мышказ кисьмат. Вамыштэмзылы быдэ соослы мур гу дасямын.

Временно басьтэм территориясын гитлеровской мародер'ес калыкез грабить каро, гурт'ёсты но селоосты чушкало, пинал'ёсты, пересьёсты но нылкышноосты котыкызы сантэмаса, эриктэмаса быдтыло. Раненной красноармеец'ёсты курадзыто, котыкызы но издеваться карисько.

Эш'ес, странамылы юрттэ. Завод'есмылы металлолом октэ. Маин ке быгатиськоды, соин обороналэн фондаз октэ: уксё, дуно тырлык, сионюон, турын, дйськут.

Ю-нянь октон-калтонэн бере эн кыле мукет район'ёслэсь, республикаослэсь. Уй но, нунал но ужалэ, времядэс одйг минутсэ но токма эн быдтэ.

Тй фронтлэсь кыдөкын: пуляос, снаряд'ес но бомбаос тй пöлы уг пуштыло. Фронтвой полосаын колхозник'ес, колхозницаос, номырин лыд'яськытэк, пуля шулам пыр, снарядлэн пазьгыськемез пыр узыр удалтэм юзэс окто, фашизмлэн сапег улаз лёганы медаз кылы шуыса. Тйяд котыкыче луонлыкты вань юнянез жог октыны, но дыраз государстволы сётыны. Только ужано гинэ.

Партилэн но правительстволэн нырысь кулэ карон дыр'яз ик, тй дась мед луоды динамиес защищать карыны. Асьмелэн ужмы шонер. Асьмеенымы Сталин, асьмеос вормом!

Красной Армиясь боец-комсомолец.

В. М. Тронин

Редактор Н. ВАХРУШЕВ.
Издатель РАЙСОВЕТ.

Шарканской детдомлы кулэ: бухгалтер но счетовод. Юалляськоно Шаркан селоысь детдомлэн дирекцияездэсь.